

Ս. Ա. ՄԱՆՈՒԿՅԱՆ — «ԼԵՎՈՆ ԲԱՇԱԼՅԱՆ», ՀՍՍՀ ԳԱ հրատարակչություն,
1969 թ.

Լևոն Բաշալյանը հայ դասական դրականության նշանավոր դեմքերից է, նա դեռ 16 տարեկան պատանի էր, երբ ոտք դրեց «Մասիսի» խմբագրատուն և դարձավ նրա հիմնական աշխատակիցներից մեկը: Եվ այդտեղ, իսկ հետո «Արևելք», «Հայրենիք» և այլ պարբերականներում, նա սկսեց հրատարակել իր ստեղծագործությունները՝ հրապարակախոսական և քննադատական հոդվածներ, քրոնիկներ, հուշագրություններ, պատմվածքներ, նորավեպեր:

Բաշալյան դրույի մասին րարձր կարծիքներ են հայտնել նրա ժամանակակիցները՝ Ա. Արփիարյանը, Ալ. Շիրվանզադեն, Ա. Զոպանյանը, Տ. Կամսարականը, Վ. Փափազյանը, Ե. Օտյանը, Վ. Թևքեյանը և այլ գրողներ: Ա. Զոպանյանը նրա արձակ երկերը համարել է «հոյակապ էջեր... որոնք օր մը մեր ծաղկաքաղններուն մեջ պիտի անցնին և հոն ընդմիշտ պիտի մնան իրր կատարյալ արձակի նմուշներ»:

Եվ զարմանալին այն է, որ շնայած դրողի ականառու վաստակին, նրա ստեղծագործությունները մնացել են մամուլի էջերում ցրված և միայն 1943 թ. Փարիզում, 60 տարի ուշացումով, իսկ ապա 1962 թ. Երևանում հրատարակվեցին առանձին գրքերով:

Բաշալյանի կյանքի և ստեղծագործության վերաբերյալ հանգամանալից քննություն ցայժմ չկար:

Ահա այդ շնորհակալ գործը կատարել է զրականագետ Ս. Մանուկյանը: Նա ուսումնասիրել է ոչ միայն դրողի ստեղծագործությունը, այլև նրա վերաբերյալ եղած գրեթե ամբողջ տպագիր և արխիվային գրականությունը, ժամանակի մամուլը: Մանուկյանը ներկայացնում է Բաշալյանի կյանքի ընթացքը՝ շաղկապված հասարակական և զրական դործունեությանը: Ընթերցողի աչքի առջև հառնում է գրողի աստանդական կյանքը. Պոլիս, Լոնդոն, Բաքու, Փարիզ, բազմաթիվ այլ վայրեր եղել են նրա հանգրվանները:

Կյանքի հոգսերով ծանրաբեռնված Բաշալյանը քիչ է ստեղծագործել, բայց իբրև հայրենասեր, իբրև հասարակական գործիչ աշխատել է օգտակար լինել իր բազմաշարժար ժողովրդին: Այս առումով առավել հետաքրքրական են խորհրդային Հայաստանի նկատմամբ դրողի տածած ջերմ վերաբերմունքը, մի շարք ավանների կառուցման գործում՝ իբրև ՀՕԿ-ի ներկայացուցիչ նրա կատարած հայրենասիրական գործը:

Բաշալյանի զրական ուղղությունը ղեկավար է եղել Ս. Մանուկյանը գտնում է, որ դա պատահական մի բան չէր դրողի կյանքում, և պայմանավորված էր այն մեծ տեղաշարժերով, որ կատարվում էին արևմտահայ կյանքի և զրականության մեջ:

Բաշալյանը կապվելով «Արևելքի» և «Հայրենիքի» խոշոր դործիչների՝ Ա. Արփիարյանի, Գ. Զոհրապի, Տ. Կամսարականի և այլոց հետ, գտնում է «ութսունականների» կարևոր դեմքերից մեկը: Ս. Մանուկյանը «ութսունականների» դերը, հայ ժողովրդի ինքնության պահպանման, նրա ազգային ինքնաճանաչության և ազատագրական ողորումների հետ է կապում և ահա այս ելակետից էլ ճիշտ բնորոշում տալիս նրանց դավանած զրական ուղղությանը՝ ղեկավարին: «Հիւրավի, «ութսունականները» շխտելով հանդերձ ոռմանտիկական զրական դպրոցի պատմական դերը, գտնում էին, որ այդ ուղղությունը չի կարող ծառայել նոր ժամանակների հրատապ հարցերը, այդ թվում՝ իրենց առաջ ծառացած դժվարին խնդիրները լուծելու գործին: Լիովին համոզված լինելով, որ միայն ղեկիստական զրականությունն է կոչված պատմական նոր պայմաններում դառնալու «դարի հոգեբանության» հայելին և առաջընթացի զենք, նրանք տեսականորեն սուր պայքար ծավալեցին ոռմանտիզմի դեմ, իսկ գործնականում՝ սկսեցին արևմտահայ ղեկիստական արձակի վերջնական հաղթանակի հիմքերը բարձրացնել»¹, — գրում է Ս. Մանուկյանը:

¹ Լ. Բաշալյան, էջ 40:

Այդ տեսական դրույթներով է առաջնորդվում Բաշալյանը և իր հոգվածներում առաջ քաշում ռեալիզմի դրականության պահանջները: Նա դրել է ուսուսումնական, և իհարկե, ամենից ավելի հայ դրականության, առանձին դրողների մասին: Գրականագետը չի մոռանում ցույց տալու և ուսումնասիրելու դրսևորումները Բաշալյանի հայացքներում, հատկապես «1885 տարին թուրքիո հայ դրականության համար» տեսության մեջ: Սակայն ռեալիզմի հետաքրքրական օրինակներ են Լ. Տոլստոյի, Ի. Տուրգենևի, Ֆ. Դոստոևսկու, Հով. Հովհաննիսյանի մասին զրված, ինչպես նաև «Կյանքն ինչպես որ է», «Ժողովրդական դրականություն», «Կեղծ դրականություն» հոգվածները:

Ս. Մանուկյանը նույն հետևողականությունն է դիտում Բաշալյանի հրապարակախոսական քրոնիկներում, ակնարկներում և այլն:

Գրականագետն անհրաժեշտ շափով ներկայացնում է գրողի հրապարակախոսական և խմբագրական գործունեությունը:

Եվ այսպես, Բաշալյանը հիմնավորում է իր տեսական դրույթները և դրա հետ միասին, ստեղծում այնպիսի դործեր, որոնք «ուսումնականների» շարժման իմաստը և միտքն էին արտահայտում: 1880-ական թթ.-ի շարժման մեջ գրողի տեսական և ստեղծագործական կապերի միասնության հարցն է շոշափում Ս. Մանուկյանը:

Բաշալյանը 300-ից ավելի հրապարակախոսական և այլ հոգվածներ է դրել և ընդամենը մի քանի տասնյակ նորավեպ ու պատմվածք: Նրա տաղանդը ի հայտ եկավ հատկապես նորավեպերում և պատմվածքներում: Այդ ստեղծագործություններն այն խոշոր ներդրումն են, որ նա կատարում է հայ դրականության մեջ և կանգնում է այնպիսի վարպետների կողքին, ինչպիսիք են Գր. Զոհրապը, Երուխանը և ուրիշները:

Մենագրության հեղինակը իրավացիորեն հիմնական շեշտը դնում է նորավեպերի և պատմվածքների վրա, նրանց նվիրում աշխատության մեծ մասը և նրանց միջոցով վեր հանում գրողի խոշոր կարողությունները:

Նա մանրակրկիտ կերպով վերլուծման է ենթարկում առաջին պատմվածքից մինչև վերջինը, սոցիալ-հոգեբանական նուրբ դիտումներ կատարում: Ուա կարևոր է, որովհետև այս ճանապարհով Ս. Մանուկյանը վերացականությունից հեռու է մնում: Եվ բացի դրանից, ներկա ստեղծագործությունները գրողի կյանքի տարբեր հանգրվաններին զուգընթաց տալով, նրան ներկայացնում է իր զարգացման մեջ: Բաշալյանի արձակր ավելի դիպուկ բնութագրելու և նրանց հասարակական ու գեղարվեստական արժեքը վեր հանելու նպատակով, Ս. Մանուկյանը հաճախ է անդրադառնում արևմտահայ արձակի այդ շրջանի նվաճումներին, հաճախ է գրողի ստեղծագործությունների զանազան կողմեր համեմատում Ա. Արփիարյանի «Կյանքի պատկերներին», Գ. Զոհրապի, Տ. Կամսարականի պատմվածքների ու նորավեպերի հետ: Այդ ֆոնի վրա ավելի հստակ են երևում Բաշալյանի նպատակադրումները, ինչպես նաև նրա արվեստի առանձնահատկությունները:

Առաջին նորավեպը, կամ ինչպես գրականագետը կասեր «նորավիպագրության նախափորձը»՝ «Հմայաթափը» գրվել է 1888 թվին և ժամանակակիցների կողմից գնահատվել իբրև գրական մի լուրջ երևույթ: «Հմայաթափ» հիմնական հարվածն ուղղվում է կյանքից հեռու գրականության դեմ, որով սնվել է երկի հերոսը: Գրականագետը Բաշալյանի կյանքի նկատմամբ քննադատական վերաբերմունքն է ընկալում և զարգացնում՝ մեկ միասնական թեմայի և «օժանդակ» թեմաների զուգորդումներով:

Հասարակական և հոգեբանական գծերն ավելի են բացահայտվում հետագա ստեղծագործություններում, որոնք նվիրված են հարուստ խավերի վարք ու բարքին և դրանց հակադրվում է պարզ ու հասարակ հոգիների կյանքը, նրանց «լուռ ցավերը»: Այդ գործերում երևում է գրողի գեմոկրատիզմը, անսահման սերը ժողովրդի նկատմամբ:

Բաշալյանը չի մոռանում մաքառումի, ազատագրության և հայրենասեր հերոսներին: Այդ թեմայով երբեմն նա ավելի առաջ է գրել, քան այնպիսի նշանակալից վարպետներ, ինչպիսիք են Գր. Զոհրապը և Տ. Կամսարականը:

Մենագրության արժանիքներից մեկն էլ այն է, որ վեր է հանում Բաշալյանի ջանքերը ժողովրդի մարտունակությունը բարձրացնելու ուղղությամբ և այդ առումով «ուսումնականների» շարքում առաջին հաջող քայլերի պատիվը նրան վերապահում:

Ս. Մանուկյանը առանձին գլուխ է նվիրել նաև Բաշալյանի վարպետության ու լեզվի հարցերին: «Մեծածավալ երկեր չի ստեղծել Բաշալյանը, — գրում է նա, — չի ընդգրկել համալուրջ մանի, համապարփակ կենսագրվածներ, սակայն հյուսել է փոքր ու սրտահույզ իսկական դրամաներ ու ողբերգություններ, ըմբոստության, ազատագրական պայքարի, լավատեսության ու հայ-

ընենասիրության ոգով հագեցված «ճնճղուկի կտուցի շափ» փոքր, բայց սրտեր թափանցող և հոգիներ փոթորկող ստեղծագործություններ²։

Մի երկու դիտողություն։ Մեր կարծիքով, գիրքը է՛լ ավելի կշահեր, եթե հեղինակը, փոխանակ ժլատ մի երկու դիտարկումի, ավելի հանգամանորեն անդրադառնար նորավեպի տեսությանը և այդ հիման վրա, ավելի հստակ կերպով բացահայտեր Բաշալյանի նորավեպերի և պատմվածքների տարրերությունը։

Գրականագետը հետաքրքրական մի հարց է դնում, սակայն այդ հարցին հպանցիկ ձևով է մոտենում։ Խոսքը վերաբերում է Բաշալյանի դրականությամբ քիչ զբաղվելու հարցին։ Նա բերում է Ա. Զոպանյանի կարծիքը, որ իբր Բաշալյանը եղել է «ծուլ» կամ զրական ասպարեզի լքող, «դասալիք»։ Սա թվում է, թե այնքան է՛ ճիշտ չէ։ Դրա համար, թերևս եղել են ավելի խոր հասարակական և հոգեբանական պատճառներ, որոնց անդրադառնալը ցանկալի կլիներ։

Լ. Ա. ԱՍՄԱՐՅԱՆ

ԳԻՏԱԿԱՆ ԼՐԱՏՈՒ

ԹՈՒՄԱՆՅԱՆԻՆ ՆՎԻՐՎԱԾ ԳԻՏԱԿԱՆ ՆՍՏԱՇՐՋԱՆ ՄՈՍԿՎԱՅՈՒՄ

Ս/թ սեպտեմբերի 30-ին Մոսկվայում Ա. Մ. Գորկու անվան համաշխարհային գրականության ինստիտուտում կայացավ Հովհաննես Թումանյանի ծննդյան 100-ամյակին նվիրված գիտական նստաշրջան, որը հրավիրել էին ՍՍՀՄ գիտությունների ակադեմիայի, Մ. Գորկու անվան համաշխարհային գրականության և Հայկական ՍՍՀ գիտությունների ակադեմիայի Մանուկ Աբեղյանի անվան գրականության ինստիտուտները։

ՍՍՀՄ գիտությունների ակադեմիայի թղթակից-անդամ Բ. Լ. Սուլկովի ներածական խոսքից հետո, հանդես եկավ գրող Նիկոլայ Տիխոնովը, որն իր ելույթն ավարտեց Թումանյանին նվիրված նոր բանաստեղծությամբ։

Նստաշրջանին ակտիվ մասնակցություն ունեցավ Մ. Աբեղյանի անվան գրականության ինստիտուտը։ Մեծ ուշադրությամբ լսվեցին գրականագետներ Էդ. Ջրբաշյանի՝ «Թումանյանի ռեալիզմը», Սուրեն Աղաբաբյանի՝ «Թումանյանը և արդիականությունը», Խ. Սարգսյանի՝ «Աշխարհն ու մարդը Թումանյանի ստեղծագործության մեջ», Արամ Ինճիկյանի՝ «Թումանյանը և Շեքսպիրը» բաղմամբովանդակ զեկուցումները։

Նստաշրջանում ուշագրավ զեկուցումներով հանդես եկան նաև Թումանյանի հնօրյա թարգմանիչ Ս. Շերվինսկին, վրաց գրականագետ Գ. Ցիցիշվիլին, ղոկտորներ Լ. Հախվերդյանը, Ա. Դիմիշյը, թեկնածուներ Մարգարիտ Աթաբեկյանն ու Իրմա Սաֆրազբեկյանը։

² Նույն տեղում, էջ 238։